



33599



Mag. St. Dr.

P

instaw.

1848. XII. 99.

2/1

Featr. 1829. br.

Stell



Out of sight

(EXVII 3/89)

SALTVS

HEROIS SOLEATI

Per calcata Hostium Capita

Ad Solium

EVADENTIS,

Olim ab ARGISSO THESSALLIÆ PRINCIPE.

In Circo Fortunæ

PRODVCTVS,

Nunc verò Fortunatissimis Auspicijs

ILLVSTRISSIMI DOMINI

D. JOANNIS

LUZECKI,

PALATINIDÆ PODOLIÆ,

Gniewczycensis, Konkolownicensis &c. &c. Capitanei, Legionum S. R. M. Colonelli,

In orbita Avitæ LUZECCIORUM Soleæ


Ludis Antecineralibus

REPRODVCTVS,

Ab ILLUSTRISTUDIOSA JUVENTUTE

Collegij *Varsaviensis* SOCIETATIS JESU.

ANNO. Dñi 1704. 2. Februarij.




VARSAVIÆ

Typis Collegij Scholarum Piarum.

*Q. Stanislaus Bydowski C. Eminent. Professor Collegij
Vars. S. S.*

IN AVITA ARMA
 Illustrissimæ Domûs
 LUZECCIANÆ.



BIBLIOTHECA
 VNIV. IACELL.
 CRACOVENSIS

33.599. III.

Pro Patrijs SOLEAM Ceris in Stemmata præfers,
 Et quæ, non possunt mollia ferre, CRUCES.
 Quis neget, ad Martem, nec non ad fortia Natum
 TE, Ceras molles qui tolerare nequis.



DEDICATIO.

HEròem soleatum infesto hostibus suis insultantem saltu, inter festiva Bacchi Hilaria, Tuo damus conspectui, **ILLUSTRISIME DOMINE.** Magnus hic saltusest, quia per strata calcataq; Soleâ Æmulorum capite ad solium evadentis; parvus nihilominus erit, si soleatis Illustrissimæ Domûs Tuae Heroibus, magnisq; Eorum Martis in Area saltibus conferatur. Dederunt maximi Maiores Tui ad Orbis Sarmatici hilaritatē magnū Gloriæ saltū, dum per stratos cadaveribus cāpos, per congestos hostiū tumulos ad victorias prosilirent, non aliā præcinente Musica, quàm hinc reboantiū tormentorū mugitu, inde collisorum ensiū fragore & seminece cadentium ejulatu. Transilierunt prætonante classico Tyram & Borysphenem, Tanaim & Danubium, ubiq; ad singula eorū vestigia Laureis palmisq; verius, quàm olim ad Cæsaris calcaneū erūpentibus. Tremuit ad Eorū Martis in circo saltū Hamus & Rhodope, pulsataq; Heroo pede tellus non jã prosilientes (quod sibi promiserat Pōpeiū) sed cadentes exhorruit Thracū Legiones. Ita Saltus non Regū modo sed & magnorū Illustrissimæ Domûs Tuae Heroū, mors hostium semper fuit. Non hic appello Magnos Prædecessores Tuos in æternitatis jã gremio quiescentes, quorū per Orientē & Meridiē, Occasū & Septentrionē, Martiales choreas, fatales illas Moschis, Scythis, Cosacis Valachisq; periodos, brevibus conclusisse periodis, nimis quàm foret operosū. **ILLUSTRISSIMUM STANISLAUM CAROLUM** Terrarū Podoliæ Palatinū, Progenitorē Tuū, per Ukrainenses, Budziacenses, Tauricanos, Valachicos exultantem intueri cāpos, ubiq; Virtute Duce, Comite Victoria, tot triumphales edentē saltus, quot assultus in hostium castra & mœnia promoveret. Plausit Austria, & turritum, per depressas Othomanidū salienti

cervices in venerationē Vienna submisit caput, postquā ad Ludum Martium SERENISSIMO IOANNI III. feliciore quā Romanis Salij praelusit choragio. Dedit novū Sarmatiae Philippū, quoties ad Camenecū, novā Masurmānorū Cheroneā, per fracta colla, per elisos arcus & sarissas, inter cadavera victor exultavit. Fuerit solēne Indis, quotidiano solē venerari saltu : Illustriissimi Progenitoris Tui quotidiana planē fuit grandis occupatio, ad Solis Podoliae venerationem, Martio in saltu Barbarorū deicere Capita; & ne Eclipsim ab opposita pateretur Luna Soleam opponere ; in quā vix impingere potuit Othomanica Phoebe, quin ipsa deliquium pateretur. Cecidit inter fatales Bellonae saltus, ne Lechia caderet; & propinato in salutē Patriae hostili sanguine, suum etiā hostibus propinavit, quo malē crapulati, in Ditis tandē salirent orbem. Continuas Tu istam, quē Maiores Tui inchoarunt saltum; & iam Illustrissimo Adamo Sieniawski Palatino Belzensi, Regni Exercituum Capiduce, Ductore, Legionum S. R. M. Colonellus in Martis proflis arenā, Maiorum & Paterna ad gloriā observaturus vestigia. Assistunt foederati non minūs gloriā quā sanguinis nexu Herodes, Lubomirscij, Sapiehæ, Sieniawscij, Radivilij, Potoccij, Chodkieviccij. Iunguntur eodem nexu Czartorysciorum, Sanguszkorum, Oginsciorum, Zawiszarum, Olecciorū Magna Nomina. Comitantur votis & affectibus Poloni Lithuanique, Martis in Tuā gloriā coniurata agmina; ut jā praevideat orbis, quantū Gloria Polonae daturus es Saltum, qui in orbitā Martiale tot Heroū ducis tecum Choreā, aut verius Orbē Polonum Lituanumque, in choreā triūphalē. Procede fortunato passu, per calcata hostium Patriae Capita ad Gloriæ Capitoliū, ad Honorū sublimia, ad suprema Dignitatum Culmina; ubi postquam constiteris, novum in Circulo eternaturæ gloriæ, ad immortalis Famae Classicum, saltum auspicare.

Ita precatur

ILLUSRISSIMO NOMINI & HONORI TUO

Devotissimum

Collegium Varfaviense Societatis J E S V.

ARGUMENTVM Actûs.



Argissus vetustissimus, & ante Grecum, à quo Grecia dicta, Thessalia Princeps, ex Macedonia redux, de Meragno Boeotio, Thessalis & sibi infesto in Tempe locis amœnissimis Thessaliae, sed undiq; prae-ruptis, cum suis convivante, ope cujusdam Thessali Solearum Inventoris, illuc evadens triumphavit. Minutius in supplementis ad monumenta magne Graeciae.

ANTIPROLOGUS.

Fama Aquilæ infidens, IASTRZEBECCIVM Herodém Polonum in Carpatho quiescentem, primum, ope SOLE-
ARVM in Polonia, hostium in Monte Calvo Victorem, è mortuali excitat somno: qui ILLVSTRISSIMI PALATI-
VIDÆ Genium, Martis aream dimetientem, ad saltum glo-
riæ invitat, ostensis Illi Majorum Illustrissimæ Domûs vesti-
gijs, illo Daretis: *Sic ire decorum.*

Sub Bole-
slao Chra-
bri Anno
Domini 999.
Okolskius
tom. 1 fol.
316. Ab hoc
omnes Fa-
milie in
Polonia,
quæ Soleis
pro stem-
mate utun-
tur, suum
derivant in-
signe: ut ha-
bet Okol-
ski tom.
2. pag. 423.

PROLOGUS.

Dolus in area Tempe, ferreos abscondit uncus: Provi-
dentiâ Marti Thessalico, soleatas aptante ocreas: dumq;
Mars Boeoticus hederâ coronatus, Invidiâ & Dolo stipatus,
fatalem Thessalis choream ducit, iisdem deprehensus uncis, in
saltu labitur, atq; à Marte Thessalico, Prudentiâ ac Fortitudi-
ne stipato, conculcatur.

ACTUS Primus.

Scena 1. Meragnus anniversarium Fortunæ suæ, convivio &
ludis in Tempe celebraturus diem, vertente tergum
Fortunâ, & in Olea literis A. S. C. visis, easdem va-
rijs variè interpretantibus, Argissum militem, ad vin-
cula trahi, Tempenum Magum advocari jubet.

Scena 2. Argissus Princeps, jam pridem sub nomine Teleni
in aula latens, in solea, quam casu in terram lapsus
reperit, legit: *Viam superas molitur ad auras:* dumq;
hinc sibi bene ominatur, à Dryopo, publicum esse ru-
morem; Argissum in Thessalam venisse, referente,
turbatur; secedit, relicto Dryopo auscultaturo, quid
de Argisso in aula diceretur.

Scena 3. Charillus adoptivus Meragni Filius, reverà Argissi
ex Fratre Togano Nepos, videt per somnium Geniû
cum libro hisce inscripto: *Argissus hodie purpuram ce-
det tibi.* Sibiq; purpuram, offerentem: hinc in Argis-
sum, quisquis ille sit, odio & ira exardescit.

A

Scena

Scena 4. Meragnus præfatas literas, ita sibi explicans: à *salutem cave*, nemoraq; & saltus Tempe timens, audit à Mirmillo Tempeni Magi filio, malum se genium spe lucri simulante: *Tempene crede Theſſalis Regem locis*: ſed Mirmillus à genio verè malo, in pœnâ avaritiæ ſtrangulatus, & à Tempeno agnitus, Regem & Patrem luctu complet, malo interim genio, dicta Mirmilli confirmante, lætior Meragnus, convivium in Tempe apparari jubet.

CHORVS.

Ex occasione Soleæ inſcriptæ: *viam ſuperas molitur ad auras* Genius Illuſtriſſimæ LVZECCIANÆ Domûs, videns in ſtatera Themidis Polonæ, ferrum auro præponderare: monſtratum ab Ambitione, per aureos montes ad gloriam iter, ſpernit: ferream porro Martis viam, præcunte Domèſtica Fortitudine, comitantibus Regum Polonorum Gratijs auſpicatur.

INTERLVDIVM. *Magus Lapercalis.*

ACTUS Secundus.

Scena 1. Telenus inquiriſ ex Timone, quinam hic (cùm ipſe ſit) Argiſſus? unde de ejus adventu rumor? tandem ab eodem, amicitiam ſuam captante, accipit dono horologium, quo præmaturè ſecundam ſonante horam, uterq; ſibi omnia ſecunda pollicetur.

Scena 2. Argiſſus ex horologio diſcit, Charillum, ſuum eſſe Nepotem, cui cùm colloqui geſtit, edocetur à Dryopo, de ejus in Argiſſum odio, etiam, poſtquam à quodam moneretur, hunc debere illi eſſe cordi, tanquam patruum.

Scena 3. Argiſſus miles à Parmena, trahitur in vincula, ægrè ferente, & vix ſe eſſe Argiſſum non prodente Teleno. Interim dum Argiſſi nomen toti Theſſaliæ inſeſtum à præcone proclamatur, & e cæſorum militum Capitibus Echo reſpondet: *feſtum &c.* continet ſe Telenus.

Scena 4. Achæus occasione Argiſſi militis fratris ſui in vincula tracti, Meragno offenſus, in ejusdem necem conſpirat, incitante, & in ſpeciem facinoris, fratrem ſuum adjungente Timone, reverà autem ut eos proderet.

CHORVS.

Ex occasione horologiij horam ſecundam ſonantis: Polonia in orbita LVZECCIANÆ SOLEÆ, Soli Podoliæ objecta, ſolare delineat horologium; in quo Avita C R V X, locum indicis occupans, ſemper ſecundas Lechiæ horas designat. Illuſtriſſimo verò LVZECCIANÆ Domûs Genio, pro ſecundis Patriæ horis ſollicito, Æternitas, Tempus rerum omnium Tyrannum, Soleâ calcandum ſubiicit.

INTERLVDIVM. *Horologium verticale Batchi.*

Actus

ACTUS Tertius.

Scena 1. Timon suis privatis intentus, Meragno & Parmenæ clam infensus, dolosus antecedenter, Parmenæ impulsor, Argissum revocandi, narrat Teleno, ignarus eum esse Argissum, scripsisse Parmenam Argissi revocatorias; cum tamen, sibi consulendo, loco illius literarum supposuerit proprias; eundem astute instruit, ut neutri parti adhaerens, suam fortunam stabiliat: contra Parmenam & Charillum concitat, dissimulante omnia Teleno.

Scena 2. Thessalus Solearum inventor, Soleæ inscriptionem Teleno explicat: moliendum nimirum esse iter *superas ad auras* per prærupta montium, ad Meragnum ibi convivaturum opprimendum: & hoc portendisse literas, supra oleam visas: A. significare Argissum, S & olea Soleam, C. calcandum notare Meragnum.

Scena 3. Meragnus sententiam in Argissum militem laturus, omnibus sub pœna capitis, abscedere jussis, dum solitarius in saltu Tempe proximo moratur, ab Achæo invaditur, sed à superveniente Teleno servatur, occiso Timonis fratre, reliquis fugatis.

Scena 4. Telenus nolens Argissum militem sui causâ perire, sciens præterea à Timone Parmenam sibi, nec minùs Meragnum, postquam eum à cæde liberavit, faventem, decernit palàm profiteri se esse Argissum, nihil proficiente in contra Dryopo.

CHORVS.

Ex occasione Argissi Meragnum servantis, & Argissum militem proprio periculo tuentis: Podolia dejectâ Martis Soleâ, cui ejusdem contra Gigantes gesta Minerva inciderat: LVZECCIANAM Soleam in arcum triumphalem erigit. Minerva Martis LVZECCIANI, contra hostes Patriæ gesta, trophæis super arcum Soleæ locatis, designat. Podolia Illustrissimi STANISLAI CAROLI LVZECKI, Palatini sui heroica contra Turcas, Tartaros, Valachos, Kozakos facinora, fidem erga Majestatem, Amorem in Patriam, proprio sanguine consignantis, prædicat.

INTERLVDIVM. *Canities mortuâ Candidata.*

ACTUS Quartus.

Scena 1. Timon tum fratris sui cæde, tum invidiâ novi favoris Regij, in Telenum commotus, structas ab Achæo, Meragno infidias, in Telenum revolvit, præsertim quòd sub pœna capitis prohibitus in saltum venerit: Ipse interim Juvenes ad saltum paraturus abit.

Scena 2. Telenus profitetur se esse Argissum; agnitus pro tali, ob violatum Principis mandatum, Parmenæ incarcerandus committitur: dissimulante se nòsse eum Parmena.

Scena 3. Argissus Princeps à Parmena & Militibus tunc primum agnitus, dolos Timonis Parmenæ militibusq; aperit: militē Argissum retrogradis passibus, ad eludendum Timonem, è carcere dimitti jubet: relicto horologio, quod à Timone habuit, eidem offerendo, ut intelligat, cuinam illud secundam horam sonuerit.

Scena 4. Timon certus jam verum comparuisse Argissum, cumq; Parmenæ ut incarceraretur cōmissum, literas Parmenæ ad Argissum olim datas, Meragno exhibet, accipitq; mandatū, Argissum in carcere occidendi, instigante etiā Charillo, Parmenam verò captivandi.

CHORVS.

Ex occasione Argissi à Timone ex invidia, cædis Meragno intentatæ insimulati: Livor durabilitatē ferro invidens, inducit struthionē, ferreis obsonijs se se pascentem: cui dum Fortitudo LVZECCIANA Soleam cum lemmate: *non comminues*, obijcit, Livor cor proprium lacerans, vel invitus Fortitudinem LVZECCIANAM prædicat.

INTERLVDIVM. *Februarius in piscibus.*

ACTVS Quintus.

Scena 1. Equitatus Thessalicus à Parmena, pro Argisso collectus, Peneum amnem superat, Nymphis ominosè accinentibus. Argissus cum perditatu, prærupta montium juga occupat.

Scena 2. Timon retrogradis à carcere, elusus passibus, dum occisurus Argissum, carcerem ingreditur, eo non invento, ipse à militibus antè instructis incarceratur, atq; ex horologio Telenium discit esse Argissum.

Scena 3. Meragnus ad mensam intersaltus Juvenum, ad Oleam literā S. signatam tela vibrantium, sed quod, ejusdem jussu ab uno Juvene, ad omen captandum, scuto protegeretur, non tangentium; tum vocibus Satyrorum: *Argissi Saltum Cave: Argissi Solea Calcaberis:* consternatur.

Scena 4. Argissus Meragnum mero gravem captivat: Charillum servari jubet, qui latere volens, Militis Argissi, rubeum rapit sagum: impletur somnium: *Argissus hodie Purpuram cedit tibi.* Tempenus Magnus à Mirmilli filij umbra, malisq; genijs, ad Inferos raptatur, explicato illo oraculo: *Tempene crede &c. sic: Tempe ne crede Thessalia Regem loci.*

Scena 5. Argissus Charillum, oblata sibi ejusdem lacera veste, occisum putat, gemitque, illo ad Patruī nomen se se manifestante, Patruumq; agnitum deprecante: Parmena interim Meragni & Timonis capita, Argissi pedibus calcanda subijcit.

EPILOGVS.

Isirzebeccius Heros Polonus, Genio Illustrissimi PALATINIDÆ, in Carpathum deducto, superq; Avita Solea consistenti, rotam Fortunæ subijcit, nec non eidem Saltum Gloriæ, per depressa hostium Patriæ capita, toto producendum orbe, auguratur, Regni Provincijs & Podolia plaudentibus.

Ad M. D. O. M. G. B. V. M. S. L. O. C. Honorem,

SS. OO. Venerationem.



Biblioteka Jagiellońska



stdr0026212

